

**Paerewa Paetae**

<b>Aronga</b>	Tikanga ā-lwi 2.5		
<b>Ingoa</b>	Te tātari i te tuakiri ā-iwi		
<b>Kaupae</b>	2	<b>Whiwhinga</b>	4
		<b>Aromatawai</b>	Ā-roto
<b>Marau akoranga</b>	Te Marautanga o Aotearoa		
<b>Kokonga akoranga</b>	Tikanga ā-lwi		
<b>Mana rēhita</b>	Kua Rēhitatia	<b>Te rā i mana ai</b>	19 Whiringa-ā-rangi 2015
<b>Te rā e arotakengia ai</b>	31 Hakihea 2019	<b>Te rā i puta ai</b>	19 Whiringa-ā-rangi 2015

**Te Hononga ki te Marautanga**

I ahu mai tēnei paerewa paetae i te Taumata 7 o *Te Marautanga o Aotearoa*, i whakaputaina e Te Pou Taki Kōrero i te tau 2008.

**Whāinga Paetae***Matawhenua*

1 Ka rerekē haere ngā tauira tūturu, ngā tauira ahurea me ngā tukanga i te takanga o te wā, ā, ka rerekē anō te kōrahi mai i tēnā wāhi, ki tēnā wāhi.

2 Kua rerekē haere ngā whakaaro me ngā hononga ki te taiao tūturu me te taiao ahurea.

*Tikanga ā-lwi*

2 I ētahi wā, nā te rerekē o ngā whakapono me ngā ariā ahurea, ka tutū te puehu, ka puta te mānukanuka.

*Hītori*

2 He rerekē ngā whakamārama a tēnā iwi, a tēnā iwi, mō ngā tūāhua e whai tikanga ana ki ngā tāngata o Aotearoa.

E hono ana ki te Papa Whakaako mō te Tikanga ā-lwi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

**Te Hononga ki ngā Tikanga Aromatawai**

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

**Paerewa Paetae**

<b>Paetae</b> Te tātari i te tuakiri ā-iwi.	Hei tohu i te paetae: <ul style="list-style-type: none"> <li>• Ka tautohu i:             <ul style="list-style-type: none"> <li>- ngā āhukatanga matua o te tuakiri ā-iwi</li> <li>- ngā kaupapa o te wā ka panoni, ka whakaū rānei, i te tuakiri ā-iwi.</li> </ul> </li> </ul>
<b>Kaiaka</b> He kaiaka te tātari i te tuakiri ā-iwi.	Hei tohu i te kaiaka: <ul style="list-style-type: none"> <li>• Ka whakamārama i:             <ul style="list-style-type: none"> <li>- ngā āhukatanga matua o te tuakiri ā-iwi</li> <li>- ngā kaupapa o te wā ka panoni, ka whakaū rānei, i te tuakiri ā-iwi.</li> </ul> </li> </ul>
<b>Kairangi</b> He kairangi te tātari i te tuakiri ā-iwi.	Hei tohu i te kairangi: <ul style="list-style-type: none"> <li>• Ka arotake i ngā pāpātanga o ngā kaupapa o te wā ki te tuakiri ā-iwi.</li> </ul>

**Kōrero Āpiti**

1 E whai ake nei ngā whakamārama o ngā tino kupu, kīanga rānei:

tuakiri ā-iwi	Ko te tuakiri o tētahi rōpū e hono ana i runga i ngā tātari heke, i runga rānei i te āhua o te noho tahi, pērā i te iwi, te hapū, te hāpori o tētahi rohe, te porihanga rānei o tētahi whenua.
ngā āhukatanga matua o te tuakiri ā-iwi	Ko ngā tohu ahurei o tētahi iwi, tae atu ki ngā kaupapa e whakaawe nei i te whanaketanga o te tuakiri ā-iwi i roto i ngā tau. Hei tauira: <ul style="list-style-type: none"> <li>• Ngā whakapapa, ngā tātari kōrero me ngā pūrākau a te iwi, me ngā uara, ngā tirohanga me ngā mātāpono (iho matua, iho atua) kua puta</li> <li>• Ngā pūkenga, ngā pūmanawa o roto i te whānau/hapū/iwi: he iwi haka, whakairo, raranga, puoro, whai tohu whare wānanga, aha atu, aha atu</li> <li>• Ngā whenua me ngā rawa a te iwi, me ngā raupatu, ngā pakanga, ngā kokoraho, otirā, ngā take katoa e pā ana ki te whenua</li> <li>• Te noho tuawhenua, te noho tāone rānei, te noho tangata whenua, te noho rāwaho rānei o te iwi pērā i ngā 'Mozzie' i Ahitereiria</li> <li>• Ko te tātari kōrero a te hapū/iwi me ana hononga ki ētahi atu hapū/iwi</li> <li>• Ko te reo ā-iwi: tōna mita, te ora o te reo</li> <li>• Ko ngā whakaaro o ētahi atu mō tētahi hapū, iwi rānei, e kīia ana he kūpapa, he iwi whawhai rānei, he iwi 'ao kōhatu' rānei</li> <li>• Ko ngā rangatira me ngā kāwai ariki o roto i te iwi</li> <li>• Ko ngā āhukatanga o te hapū/iwi kua whakataukīhia,</li> </ul>

	<p>kua pepehatia rānei: <i>Ruatāhuna kākahu mauku; Tūhoe moumou kai...; He iwi nātī, he whano kē; Ngāti Pāoa taringa rahirahi</i></p> <ul style="list-style-type: none"> <li>• Ko ngā kaitiaki, ngā atua, me ngā whakapono o te iwi</li> <li>• Ko te kaha mau o te hapū/iwi ki ngā tikanga o mua, ko te tuku rānei kia waimeha noa</li> <li>• Ko ngā taura here me ngā hono o te whakapapa o te hapū/iwi ki ngā whakapapa o tauīwi (Tararā, Wīwī, Pāniora, Kotimana, ngā moutere o Te Moananui-a-Kiwa, a wai ake rānei)</li> <li>• Ko ngā kaupapa a te hapū/iwi pērā i ngā ahurei me ngā Pā Wars</li> <li>• Ko ngā huihuinga Māori puta noa i te ao pērā i a Ngāti Rānana, i ngā Māori i Ahitereiria, ngā kaihoe waka, kaiwhakatere waka.</li> <li>• Ko ngā mahi whakawhanake papa ōhanga a te iwi</li> <li>• Ko te kirirarautanga ā-motu.</li> </ul>
ngā kaupapa o te wā	Koia nei ngā kaupapa ka whakaawe, arā, ka panoni, ka whakaū rānei, i te tuakiri ā-iwi. Hei tauira, ko te hekenga, te pakanga, te whakatāonetanga, ngā kaupapa here a te kāwanatanga.

**Kuputaka:**

kokoraho	claim
āhuatanga matua	key features
i roto i ngā tau	over time
kirirarautanga ā-motu	national citizenship
whakatāonetanga	urbanisation
papa ōhanga	economic base
hekenga	migration

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233